

蓬萊山西灶
還丹歌

佚名

文碩閣

wenshuoge.com

目录

关于我们	3
蓬莱山西灶还丹歌卷上	5
蓬莱山西灶还丹歌卷下	33

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

蓬莱山西灶还丹歌卷上

经名：蓬莱山西灶还丹歌。原题汉黄玄锺撰。但书中官名、地名及歌词文体音出唐代。当系唐人伪托。原本一卷，徒分作二卷。底本出处：《正统道藏》洞神部众街类。

汉检校仆射金紫光禄大夫黄玄锺撰

臣闻鷦鷯在木，不逾一枝之巢。偃鼠饮河，无过一觴之满。伏惟陛下名逾东户，调美南风，在於兆民，无不咸止。何重万乘之荣，而轻不死之道。臣伏以元封年奉诏蓬莱，亲求妙术，经过海难，涉历幽阳，不憚危亡，而求至道。先是，皇恩远赉，以感微臣尽忠，得遇大仙，躬赐灵药，极诚进上。何谓陛下安听佞臣，信为祲诈，赐臣自饵。臣俄别皇庭，不胜悲望，游宫未遍，少许十年，恐虑从容，自为永阻。又承陛下令东方朔召西王母、夜置承露盘，即知陛下后悔之甚。臣又闻事君尽忠，在朋立义，於君不忠，则人臣共罚；不义於朋，则交友共弃。臣於紫阳宫少微院西灶，躬受还丹妙道讫，依方潜录。伏惟陛下，须纳忠臣谏，必效此方，莫比昔年，却从俗佞。其药令左拾遗陈方景捣合，右丞周真宜候火，臣男志诚启垆并醺等，必锻炼精微。愿懃诚志，紫琼暂逢，长为金骨。陛下莫重含元大内，为上极精华。北阙西堂，殊非至广。太常九部，不足为声。粉黛诸房，全为丑质。矧此蓬莱妙绝殊境，得号仙山。日殿月宫，云房金阁。堂排金碧，楼焕珊瑚，鹊绕灵芝，鸾飞琼树。天男玉女，沸鼎弦歌。异鸟名禽，朝来不歇。水精帘外，飒飒玄风。碧玉户中，泠泠细雨。琼浆一饮，少许千年；大药暂餐，应期万载。等闲见桑田为海水，见海水作桑田。或即上朝天老，或自适云关，时下入瀛洲，散寻异宝。寰中黄屋，不足为尊，补袞之流，未足为贵。陛下何不生亲异境，而苦恋凡间。目看冠葬石堂，身埋后土，使子孙空拜，沥酒寒陵，朝暮之间，即当见矣。纵百年天子，不及一日仙人。伏惟圣智审裁，莫自求其毙矣。谨差南阳执药童，奉表以闻。蓬莱山南阳紫微右长丞黄玄锺顿首谨言。

金举臣此圣道，世不异求，惟在清斋，存心念静，设垆安灶，不得抵作方神，举措发机，须合天道。其石药等，并须上好草药，勿令错误。其药皆是州土进上，唯三般，出臣此山，以人间六味替用，并列如后。

石药黄牙歌一首，是造黄牙五言，草药形状名，采时节应用生死，一百七十二味草药歌，都合计一百六十八首。

造黄牙第一

歌曰：

铺壬为迭迭，铅黄粉次重重。牛酉白黄三色，依东尾咸浆味共通。一安丙丁上，齐入赤炎中。

右依歌，并须重重，以壬尽为度，应夏至之节，以冰石研之佳，依东尾，忌甲戌庚除定等日。

露容草第二

俗为地录，书云石录。茎花赤，性毒，恶理求体脉，生岩石，出河南，生甲乙，死戊己，甲寅，叶圆。春分后二十日采，上治恶疮，应春分节。

歌曰：

此药人问有，河南出最珍。

拈来和汞点，一夜应天真。

霜容草第三

俗为天涯，书为白微，性与上同。出刻南道，生甲壬，死戊癸，引蔓三花，应夏至节，立春后采之。

歌曰：

远树攀崖上，三花叶对峰。

拈来埋乙地，依东尾法还入癸壬中。

双夫草第四

俗名芙蔓，书为紫琼。性与上同，治劳，出安南府。生丙丁，死甲己。叶紫绿，大小不定，应小暑节，立夏后采用。

歌曰：

引蔓生天水，池中好开花傍石间。度宵丙丁候，女体须坚。

石天第五

俗为纶草，书为武草。性淡毒，生朔方，现形金，长色青。生甲壬，死丁卯，治汞，又治肠风。

歌曰：

遍地开尖叶，寻山展绿微。

用浆应夏至，采须鸿雁归。

石玄第六

俗为茶蔓，书为录支。性温，坚汞，色绿，生戊己，死丁壬，治腹瘫，应小暑节，立秋后采用。

歌曰：

蔓黑开青叶，还生野泽中。

从容安丙上，唯能巨壮功。

万年春第七

俗名水蓝，书为地镜。性玲，生江南道。如蓝，小青老赤。生戊丁，死甲己。治小儿疳，应大寒节，春分后十日采用。

歌曰：

青色尖赤样如蓝，亦在高山亦在潭。

先共还丹为舍宅，亦能性玲味能甘。

千秋锦第八

俗呼地幕，书为青乔。性温，出剑南。生甲乙，死戊己。叶大如手面皱，治大风，应大暑节，立夏后采用。

歌曰：

面紧开敷远涧泉，大时尖绿小时圆。

唯有剑南生最好，真人呼作草丹田。

年年春第九

俗呼荫芝，书为青心。性热，生岭南道。生戊壬，死丁己。叶紫，治白风。应清明节，立秋后采之。

歌曰：

叶紫枝青远水头，春风到日自芳幽。

可怜红展仙人爱，八般石药总拘留。

寒蝉叶第十

俗为美草，尽为温草。出巴蓬州。形如蝉叶，苗青赤不定。生戊丁，萎甲戌。治赤白带下，应雨水节，立秋后采之。

歌曰：

叶如蝉翼带如绳，常在潭边映水澄。

恰到用时合三五，八铢金粉汁三升。

千灵第十一

俗为水蒿，书为白章支。性玲。出蕃中。形如蒿，数叶，色青。生丙戌，死甲壬。治恶疮及酒症。应惊蛰节，立冬后采之。

歌曰：

丛丛吐叶达泽生，夏时花发近春青。

红灶更添将内煮，一句药内此多灵。

赤马州第十二

俗为地容，书为紫盖。性毒。出北济。茎叶紫。生甲壬，死丁己。疗呕逆。应春分节，春分后采之上。

歌曰：

枝红叶紫透山崖，此药真人暗以排。

恰到炉中开龙后，始知我有玉灵才。

万日荣第十三

俗呼胡波菱，书为美菜。性善。生河北。叶青花紫。生甲己，死丁壬。治恶疮。应夏至节，白露后采用。

歌曰：

菱头片片剪刀裁，每岁真人自送来。

欲得紫房无紫艳，拈来共煮石中胎。

寒泉镜第十四

俗为大叶萍，书为池容。性凉。出云南。叶圆，浮水上。生丙，丁，死甲乙。治恶疮。应小满节，立夏后采上。

歌曰：

浮生池中叶青青，碧牙药内最多灵。

从此水银加日影，黄金争得不闻名。

洞章支第十五

俗为周支，书为卢容。性热。出罗州。叶绿枝白酸。生甲丁，死戊己。治毒风。应小满节，立夏后采用。

歌曰：

叶青茎酿生乎坟，有茨开花似覆盆。

还丹不得池中过，仙人争得万年魂。

公无取第十六

俗为石藤，书为润春。出长安南山上。叶如豆，引蔓紫。生丁巳，萎戊壬。治恶疮。应大寒节，白露后采上。

歌曰：

丛丛紫影出长安，生在春初色耐寒。

薄阙采时防大雨，摘时仍虑万妖看。

天镜寒第十七

俗呼石扇，书云背青。出河南道。每一枝一叶。生戊壬，死甲己。治冷。应立夏节，原缺后采上。

歌曰：

叶如统扇达崖生，每树还生一个茎。

丘墓死泉无用效，绝人断犬始为灵。

逍逍引第十八

俗呼紫贝藤，书为崖艾。性冷。出三元县。叶锐。应白露节，冬至后采上。

歌曰：

抽枝引蔓发金兰，但是真人手把看。

欲度紫微天上阙，可怜光彩入仙坛。

尸解红第十九

俗呼石被，书云地纹。性温。出扬州。形如水萍，枝茎细。生乙癸，死酉戌。治一切五藏反恶。应小寒节，立夏后采上。

歌曰：

绿崖近石剪成形，紫阁蓬莱有两名。

独体丹阳兼汞煮，后兹火下绝铜声。

仙节芝第二十

俗呼石赛，书云九积。性凉。出河南。形尖细，拥节。生戊丁，死乙癸。治热闷脚气。应秋分节，立冬后采用。

歌曰：

天上全无人世有，人间不识自凋零。

今朝自开好金诀，从此君王记取名。

遍金台第二十一

俗呼马苋，书为绿微。性冷。出河阳府。叶锐圆酸。生甲丁，死壬己。治疮及恶疔，应寒露节，立冬后采用。

歌曰：. !

同罗新妇未仙时，折得金台数百枝。

经得三周周甲子，三年身驾庆云飞。

轻金微第二十二

俗为石支，书呼上远。出乐阳。治通耳。

歌曰：

寒叶丛丛绕路逵，天上为珍世上稀。

拈向白英锅内煮，始知此药最多奇。

高天芝第二十三

俗为京人丹，书为天莫。出洛州。治中风。

歌曰：

红珠为子树青青，紫苑仙人别作名

还共丹阳为白色，绿微始肯入玄冥。

专瑶池第二十四

俗呼玉池柳，书云英芝。出江州。茎青白，叶尖细。治牙疼风疳。

歌曰：

山庭玉柳本来无，更说人问是已疏。

堪用采时须少与，药院仙囊莫遣余。

万成荷第二十五

欲呼山甘菊，书云萃夫。样似甘菊。治鬼气。

歌曰：

先生白日上升天，还因此药每宵煎。

及至采时须使用，不须将过五湖船。

伺巨舟第二十六

俗为石桑，书为景芝。出蛮中。叶如桑成树。治一切风。

歌曰：

彤彤山艳怯高坡，因此承阳出处多。

将得便须随用却，莫令天使渡江河。

天上玄第二十七

俗为石甘，书为地甘。出忠万州。叶绿，生石上。治反胃病。

歌曰：

石中有火火藏阴，阳气潜生效比金。

采日用须防犬吠，犬吠采之用不任。

石天琴第二十八

一俗呼石可，书云还芝。叶三色。治一切风。

歌曰：

京州皇郡人人病，病者还因地气冲。

添放还丹经宿煮，从兹百岁绝无风。

毛章第二十九

俗为大成，书云林芝。性冷。出河南道。形如萋菊。治风疸。

歌曰：

此朴雕成花拥节，毳毛笼里子分枝。

可怜此物人问有，惆怅人问识是谁。

右已前八味，生甲壬，死乙癸，应冬至节，立春后探用。

成万岁第三十

俗为五灵芝，书无名。叶紫，性冷。治鬼气心邪。

歌曰：

摇扬锦蔓出长安，对雪开花入上阑。

不要春荣潜茂实，大罗天女镇长餐。

粟金寒第三十一

俗呼皱面，书为武芝。性温。出恒州，叶大如手面皱，治风癖。

歌曰：

叶叶铺沙遍地生，仙人多种绕仙庭。

但知戊己庚辛日，采之何得不通灵。

胡菊花第三十二

俗呼杨柳池，书为阑心草。性温。叶如柳引蔓。治女人血气。

歌曰：

绿金散翠引金条，绿叶零丁绕碧霄。

三月春时和蔓采，可怜汞在火中烧。

右已前三味，生戊己丁，死甲乙。应大寒节，立冬后探上。

天尖金第三十三

俗为胡署蔓，书为美容。性热，有毒。治虫蛇毒。出美元县，样如署预。

歌曰：

厚叶青金爰在溪，可怜仙药俗人迷。

欲得飞升天上去，只将此药是云梯。

玉展春第三十四

俗为山斛，书为江春。性温。出于阆国。三叶，叶如榆。治风。

歌曰：

每树生三叶，遥光叶似榆。

冬分春节近，仙人把步虚。

荆豆蔓第三十五

俗为真芝，书无名。性温。出剑南。三叶，叶如豆。治血风。

歌曰：

每叶生仙意，含虚得大音。

三旬金柜里，不用未投深。

夜合木第三十六

俗为还心，书为松南。出商州。成树叶小，夜即合。治心狂。

歌曰：

美树低新叶，晨开暮掩枝。

可怜天上木，堪载俗人飞。

紫方天第三十七

俗为杨叶芥，书无名。性热。出青州。叶如杨长数寸，有津液。治一切风邪。

歌曰：

小叶傍山开，真人手自栽。

从兹辨真药，目下往天台。

王□第三十八

俗为青风，书无名。有毒。一丛数叶。出养美茂。治经脉并痔。

歌曰：

地开玉叶展枝丛，独自抽茎占碧空。

石药数般能压伏，唯共阴神最得功。

红蓬第三十九

俗呼石剑，书无名。性热。出甘州。一丛数刃。治一切风。

歌曰：

锦石苔生云雨处，红蓬能展剑锋形。

消汤煮玉无过此，因得仙人别作名。

胡辛蔓第四十

俗名三叶草，书名深真。有毒。出江州。叶三尖。治虫毒。

歌曰：

枝条条叶叶如刀，近夏当秋蔓始高。

恰到第三三转后，始将方就火中烧。

紫仙芝第四十一

俗呼天池，书无名。性热。叶如枇杷叶。治心痛。

歌曰：

摇摇仙果长山溪，堪作蓬莱方丈梯。

每在人间人不识，桃源因此去人迷。

石豆蔓第四十二

俗为留君，书云单章。性冷毒。叶尖，引蔓茎，紫青。治虫毒。

歌曰：

黑玉为茎金作芳，抽条引蔓散岩岗。

秦南少女当时用，抽汞无烟在火铛。

山石蔓第四十三

俗呼真鱼，书无名。性温。出文代州。叶三尖，如大豆。治逆疮。

歌曰：

玉铺金器写人问，苗在蓬宫果在田。

应是五心须似雪，况当诸物拟昏烟。

玉粟草第四十四

俗为行针，书无名。出河南。性冷。如还藤，有子如麋。治风热。

歌曰：

调金铺玉颗如珠，天上人问样有殊。

天上生时生紫翠，人问有者绿疏疏。

层金第四十五

俗呼小署药，书无名。性温。出辰锦州。叶如署药，有根。治水病。

歌曰：

埋根金柜展蓬头，造化真人昔日留。

五转转开须好记，煮将为水五金柔。地苏也。

石蕨第四十六

俗为失蒙，书云留金。性热。出楚地。枝次数叶。治风冷。

歌曰：

铜瓶内里布丹霜，霜似烟笼未有光。

忽更添消瘦固际，可怜颜色过於璋。

荆 第四十七

俗呼仅木花，书无名。性温，出山南道。蔓四棱，叶尖。治血气。

歌曰：

丛开尖叶四棱茎，光占春分满野生。

后辈习真皆用此，即知从此得长生。

重台蔓第四十八

俗为人眷，书云渠迫。性热。出江南道。小小叶生，大叶引蔓。治一切疮。

歌曰：

隆隆真气上升天，恰至春分降野田。

若遇青盐相拌合，即知生驾出人问。

还骨草第四十九

俗呼鼠英蒿，书云单蒿。性热。生剑州。一如蒿茎，紫叶。破治风疮。

歌曰：

□□埋处是千还，轮转存亡上碧山。

但能识此锅中煮，火罢金身出世间。

稍紫第五十

俗呼紫贝，书无名。治瘫 。

歌曰：

排蔓抽茎绕碧溪，四时改变采人迷。

直须好记莫令错，万里蓬莱此是梯。

寒石葵第五十一

俗为附蒿，书云问芝。叶圆似蒿。性坚。治风。

歌日：

山含山色绕山庭，无限仙人种在京。

唯共丹阳阳粉合，一朝煮罢绝铜声。

绢文蔓第五十二

俗为蛇葱，书呼宜人。性热。出蕲州。如绢文。治反胃。

歌日：

排蔓开枝长绿溪，可怜气力与山齐。

若能连夜添鱼水，白骨埋年尚也回。

鸡肠蔓第五十三

俗为林更，书无名。性温。出白州。叶如鸡肠。治一切难产。

歌日：

引蔓开枝万里生，抽条得色占春荣。

从此丹阳无黑色，汞中须有紫河名。

乌金脚第五十四

俗呼太芝，书名不祥。性热。出江陵府。脚如乌钗，叶如蕨。治腰脚。

歌日：

插金乌脚散寒山，学道仙君望眼穿。

从此既合含元识，切须不使别人传。

蛇衔菊第五十五

俗为单芝，书云未有。性温。出太原。叶如蛇衔，花似菊。治喉闭。

歌曰：

前草含花似绿杨，花排金蔓引溪傍。

采日切须防孝子，犬吠垆人被鬼伤。

还椿第五十六

俗为哲芝，书阙名。性温。出安南。状如椿，色紫。治邪气。

歌曰：

落落金字展青天，紫道人问玄又玄。

若共还丹从此造，即须煮过十宵看。

金桃蔓第五十七

俗呼留恐，书云单夫。性温。出河中府。状如葡萄引蔓。

歌曰：

刻出青罗展绿微，真人不遣俗人知。

玄河河内但能煮，汞迷金章绕紫衣。

地□第五十八

俗为 花，书无名。性热，生湖州。叶文如蜚大指面。治癫痫。

歌曰：

三三叶叶映枝红，最向还丹道有功。

但向汞中二更煮，任拈直用火墙笼。

稍红第五十九

俗为穿崖布，书云紫天天，亦名武容朱芝。性凉。生于阆国。一枝一叶，叶背紫枝。

歌曰：

界外绕林泉，必向经铛煎。

三度煮八石，如何体不坚。

右已前二十七味，生丁巳，死戊壬，

应冬至后采。

狗舌蔓第六十

俗为鱼藻，书无名。性寒。出陈许州。引蔓如狗舌。治蛇毒。

歌曰：

狗舌还如狗舌形，俗客真人字两名。

不是人间无此草，渡江见孝用无灵。

玉垒第六十一

俗为番头，书无名。性凉。生岐雍。花如盖幢，花稍紫。治霍乱。

歌曰：

花如蠡帙叶如绯，山北河南各两仪。

欲采之时须固惜，内园莫使外人知。

玉蔕第六十二

俗呼闰芝，书名兑。性冷，出济南。茎微叶小，色黄。治热痢。

歌曰：

秦王得地拟求仙，恰到岐阳岐上山。

向遇洞真亲指点，交共矾石一处煎。

红甘第六十三

俗无名，书云单齿。性温。出河西道。叶如柑，色赤，石上生。治浮疮。

歌曰：

引云首月生崖上，镂出王公入羽衣。

若见凤凰他自舞，不须晋客把笙吹。

栗金第六十四

俗无名，书为单舟。性凉。出绵遂州。抽茎叶尖圆。治一切血气。

歌曰：

堂堂仙药在人间，恰见凡人似等闲。

若共金沙和夜煮，即知长在比龟年。

紫石苣第六十五

俗呼云裳，书为紫盖。性热。出通州。如苣三道。治骨瘫。

歌曰：

通芝三背影胧胧，丹药药中最有功。

不等能添金色润，又能一夜煮黄铜。

浮真草第六十六

俗呼交绵，书云大罗。性温。出郢州。如豌豆，以花叶治血晕。

歌曰：

阳阳红影绕人途，人间虽有世间无。

若遣卫真天女见，必应摘满满裾裾。

土苓第六十七

俗为江中草，书云牵女蔓。性温。引蔓有子。治肠结。

歌曰：

绿杨幽院家家有，恰取玄河用者稀。

从此内园须剩种，用方莫使外人知。

石青第六十八

俗为带青，书云关渠。性热。出单州。引蔓叶尖。治气结。

歌曰：

碧阳天子献金丹，须兹神水合和餐。

若向青锅锅内着，可怜雪散及人看。

窃冥第六十九

俗呼石衣，亦云鱼衣，书云太周。性热。出江陵府，如石衣。治冷气。

歌曰：

窃窃冥冥石上生，人问虽有不知名。

大药之中安少许，即知足下庆云迎。

右已前十味，生甲丁，死戊己，应立秋节，立夏二十日探上。

还年第七十

俗为木相珠，书云含紫。性温。出昆仑。叶如榆，上有珠。治风。

歌曰：

天长地久水洋洋，灵草含珠色自芳。

从此月滨滨海上，又堪煮炼作琼浆。

历章第七十一

俗呼南天，书无名。性温。出凤翔府。四棱，花紫，叶尖小。治一切恶冷疾。

歌曰：

红章寺里生春草，不似春终见历章。

若向白天锅内合，即知九雪散精光。

紫金茅第七十二

俗呼齐蒿，书无名。性冷，出剑南。茎紫青，叶尖长。治心痛。

歌曰：

青青新妇独行行，勿遇金华远院生。

因折将来煮金地，无烟从此始知名。

紫海椿第七十三

俗为交周，书无名。性热，出江州。叶如桩，色紫成树。治中风。

歌曰：

同同金柜影春山，无限真人手把看。

一种自糜开样度，不如此个起金丹。

金微第七十四

俗为重金，书无名。性温。出剑南。绕石生，叶如雷葱，有子根。治小儿疳。

歌曰：

离阳新妇爱芝鱼，独寄仙翁万纸书。

因识金微煮寒石，河车身驾入青虚。

紫梦大夫第七十五

俗呼乡周，一名石蓼，书无名。出河北道。色紫。治心痛。

歌曰：

花周万里对秦川，万里虽生不肯言。

若共三河同更煮，生身应踏九霄天。

石芥第七十六

俗为地花，书为南草。性温。出京中。叶如南芥菜。治小儿惊。

歌曰：

紫微天女不裁衣，会要人问石芥枝。

忌向白章锅里煮，便将砂毒水银飞。

山棱第七十七

俗为涧下芝，书云莫上芝。性冷。出益州。叶如波棱蓼成。治风。

歌曰：

丁丁伐木声从鸟，淼淼江波草自灵。

唯有山棱宜好采，八般石药自然成。

尖尾葵第七十八

俗呼为风草，书无名。性寒。出恒定州。一叶三尖。治一切恶疮。

歌曰：

渭州河北便生此，生处人多冷曝之。

五盐共煮为鄞鄂，如何不得命长时。

王骑第七十九

俗为绿天，书云无庆。性温。出江南道。叶如车前茎文。治毒疮。

歌曰：

都都太府青丹药，要此灵媒作主人。

从此和浆方服了，眼前亲见万年春。

尖苟蔓第八十

俗呼大对。生剑南。叶如苟引蔓。治恶疮。

歌曰：

人生不识金丹意，尖苟须为玉药泥。

不说硫黄添白色，亦能瓶内伏雌砒。

成天命第八十一

俗呼有命，书无名。性冷。出忠万州。治热病，余不言。

歌曰：

玉阳宫女煮天浆，要得成天命始香。

须与水银开径路，兼为青丹作院墙。

朝天草第八十二

俗为鬼尿筒，书无名。性冷。出同华州。心空有节长。治恶疮。

歌曰：

遥遥天影入端虚，同华生时市地铺。

看取紫河车内草，无此黄金事不居。

辅蝉质第八十三

俗呼九宗丹，亦云景天，书无名。性冷。出渔阳县。叶如车前，引蔓根长。治热疾。

歌曰：

团团万叶出兰枝，唯有渔阳出得时。

三殿西埋十月用，然堪入药和精微。

金锁天第八十四

俗为灰藿，书云落藜。性温。出巴南。叶方小，赤。治上气。

歌曰：

金天剩进遣成灰，须共黄牙拌作泥。

从此水银须压伏，只此还丹路是梯。

还 蔓第八十五

俗云天母，书无名。性温。出美原县。引蔓三叶。治血晕。

歌曰：

千寻山石上遍川，万古人传出美原。

六戊锅中经宿煮，八般顽石自无烟。

同阳菱第八十六

俗呼马齿菜，书无名。性冷。叶圆，味滑。治肠热。出单方州。

歌曰：

茸茸引蔓满单方，能共还丹作郡乡。

水银不敢当头坐，谩趁朱砂迷在铛。

同阳靡第八十七

俗为人苋，书为结针。性冷。出蕃中。叶尖。治疳疾。

歌曰：

调神理魄发银光，石药兹囊作一方。

今日玉 依表进，亦能压伏四神霜。

同巨天第八十八

俗为红盐花，亦为庆节蒲，书无名。性温。出益州。叶尖狭，花如茨。治血气。

歌曰：

同巨官中同巨天，烧成灰烬煮寒泉。

阳壬不得此灰过，阴癸终须飞作烟。

芙花舟第八十九

俗呼米囊，书无名。性凉。出黔南。叶青青，花含子。治恶热闷。

歌曰：

青天万里入幽无，唯有花舟接道隅。

虽共根苗和药煮，一般沉石自然浮。

右已前二十味，生戊壬，死丁己，应立夏节，立秋前四十日採用。

同变春第九十

俗呼昆仑葵，书为紫 。出西天。叶圆成角，花紫。治油疮。

歌曰：

巔巔孤上占崖栽，每在人间院内开。

恰至还丹能计会，硫黄争得不当灰。 '

狐孙藤第九十一

俗为地钱，书无名。性热。出最南。引蔓叶尖，枝有声。治恶疮。

歌曰：

遥遥引蔓绕天津，长至南风不至春。

三月进来朝帝意，欲使生身蹋碧鳞。

石渠第九十二

俗呼下鱼菜，书无名。性冻。出开通州。叶如竹，花黄。治小儿疳。

歌曰：

碧花洞里展江鱼，万药之中最是模。

疗得紫丹黄色润，兼洗青丹色脱朱。

右已前三味，生戊丁，死甲乙，应立冬节，后二十日採上。

鱼肠蔓第九十三

俗为灵花，书为茨梨。性温。出宣州河北。叶如马苋，有茨。治恶疮。

歌曰：

人间有药是鱼肠，解与还丹好作方。

三鼎烟中开瑞色，九霄宫里镇灵香。

山菊第九十四

俗为真浮人，书无名。性冷。出渭南县。叶如茶，花似菊。治酒病心忪。

歌曰：

花如黄菊叶如茶，俗人不识出仙家。

能与青丹出颜色，兼将红粉作黄牙。

单真第九十五

俗为荠苳，书无名。出河南府。性热。叶如莲，近水生。治蛇咬。

歌曰：

天真天地本由人，自是凡夫不识真。

从此八灵甘受死，凡人自此免为尘。

金镜寒第九十六

俗为人芝，书无名。出安南府。如葵菜，有毛。治虫蛇毒。

歌曰：

石中石上总秋生，叶上生毛红点茎。

三接外几数般样，样中最好是东京。

青枝第九十七

俗为苦楸木，书无名。出西龙州。性冷。成树有枝条。治脚气。

歌曰：

成木生条长万山，西王亲种在人间。

善使青矾无恶气，又能不失紫金班。

紫楼春第九十八

俗为白马菜，书无名。又为留着菜。叶紫青尖。出江州。

歌曰：

堂堂开色紫楼春，独占人间白背鳞。

还丹药就须添煮，青霄得上九天真。

辅天台第九十九

俗为背醋木，书无名。性温，成树带子。出终南山。治反胃。

歌曰：

笼笼成树长南山，万木之中此最贤。

天药烧时须剩点，应得生身白骨全。

劲金骨第一百

俗为绿鱼沼，书名天文芋。性温。如茅有果。治漏胎。

歌曰：

疏疏引叶恰如茅，每岁真人玉水浇。

能与还丹生羽翼，凡人身吃入青霄。

木瓜第一百一

俗为天同果。

歌曰：

摇摇天树长巴南，带日花繁每日含。

大药合时须剩裂，经秋采摘始宜堪。

零零草第一百二

俗为无青，书无名。性玲，出巴州。一丛三两叶，含露。治疫病。

歌曰：

一丛花带叶零零，人间知好不知名。

看取药成金色美，取之符咒鬼神惊。

右已前十味，生戊子，死甲巳，应立

秋节，夏至后立冬前后探之。

蓬莱山西灶还丹歌卷上竟

蓬菜山西灶还丹歌卷下

汉检校仆射金紫光禄大夫黄玄锺撰

黄帝春第一百三

俗为芙蓉水，书无名。性冷。花紫黄不定，绕水生。治毒风。

歌曰：

栋宇虽生梁柱功，还丹道要水芙蓉。

若说西王生最好，南山采得用通同。

山浊第一百四

俗为水浊，书无名。每枝三叶，如蒴。治风血。

歌曰：

玉楼开镜影三山，此草生时不等闲。

若不高峰峰石上，即须长养在崖泉。

毕录秋第一百五

俗为白茂树，书无名。成树叶如柳。出岭外道。治一切恶疮。

歌曰：

天长月在碧霄悬，月在千山万药前。

采合药时须记取，拈共黄牙一处煎。

浮林池第一百六

俗为地皱，书无名。叶如柳面皱。性热。治冷风。

歌曰：

玉塘水泠泠天心，此药将堪价比金。

能共硫黄相把捉，就中最好走铅壬。

鹤来枝第一百七

俗为女贞，书无名。宜治霍乱。

歌曰：

平平天地自侵临，不到龙门是海深。

仙药人间成树木，人间不识自埋沉。

山紫苏第一百八

俗为界州菜，书无名。出歙州宣州。茎紫，叶如真紫苏。性冷。

歌曰：

玉潭深底见深波，好药人间核似罗。

唯共丹阳除黑色，染成如雪石中磨。

调神芝第一百九

俗呼为还骨，书无名。出忠万州。如句树。宜治痲及狂癲。

歌曰：

人间自有草还丹，抛向人间不肯餐。

任是生来还又死，可怜仙药放教闲。

香菇引第一百一十

俗为绵木是，书无名。生茂州。性温。成树木，内有绵。治血拥气。

歌曰：

逍遥天路道能平，自是凡夫不学生。

能取此来和汞煮，眼前争不白云迎。

崖蓝一百一十一

俗为附槽草，书无名。味苦，有毒。一叶数尖，如烬草。治白风。

歌曰：

金成似玉火中砂，此草多灵伴作牙。

心共女人同火本，只缘不伏是河车。

慑龙回第一百一十二

俗为豫樟木，书无名。有毒。叶大三指，成树。孟夏州近汉山有之。治鬼注。

歌曰：

稍稍同木也同材，张骞乘上碧云来。

此树生过一千岁，一切江河路自开。

右已前十味，生甲壬，死戊壬，应立

冬节，并春分及秋分前后探之。

紫鸡肠第一百一十三

俗为水蔓，书无名。性热。出江南道。近水生，引蔓。治瘫。

歌曰：

碧溪生处远闲碘，后学真人路自迷。

壬癸硬时须好煮，若过再宿奕如泥。

寿容第一百一十四

俗为冬青，书无名。性温。出河北道。叶青成树，有子。治折伤。

歌曰：

四时不改黛云遮，解共还丹作一家。

千岁生时空服食，况论与汞作河车。

芦口寒第一百一十五

俗为英芝，书为奉宜。性冷。出云安。叶圆小茎。治中风。

歌曰：

团团天地卵成形，灵草仙方□地生。

此物堪将救人世，今朝由惜载仙经。

带丝金第一百一十六

俗为揪树，书无名。性冷。出绵剑州。成悬丝。治妇人经脉不通。

歌曰：

万条垂下绿金丝，仙药人间总不知。

须向炎中汞身在，即须百过入玄微。

防石硝第一百一十七

俗为销草竹，书为草苟芝。性热。出广州。叶圆如指茎。备治恶寒毒。

歌曰：

三峡峡中千水气，化成寒草广州生。

八石烟中为父子，九天天上又多名。

御酒醒第一百一十八

俗为丹芝，书为楼春草。性冷。出河内道。三花，叶色青。治心痛。

歌曰：

青丹消酒缘何事，灵草先须煮度宵。

从此饮多醉便醒，况拈同向火中烧。

暹玉芝第一百一十九

俗为浮水蓝，书无名。性冷。出岭外道。如小蓝，叶尖长。治肺癰。

歌曰：

行行绕涧起青苗，八石同功力不饶。

一切垆中须少许，不然同向火中烧。

琵琶芝第一百二十

俗为附除，书为白天。性冷。出云南。叶圆长，带子。治大风。

歌曰：

秦王天上玉京东，曾有真人上碧空。

因得琵琶芝草吃，生身身坐紫阳宫。

土燐蔓第一百二十一

俗为巨玉，书为劳寒。性冷。出巴蓬州。叶三尖，引蔓。治风病。

歌曰：

盈盈方知天台上，须共青盐引白浆。

毗上有烟烟不起，即须要此作篱墙。

铜蹄蔓第一百二十二

俗为太玉芝，书云林芝。性冷。出秦川。有叶尖长，引蔓。治风邪。

歌曰：

东王公母行云雨，恰遣铜蹄蔓不生。

惟须陛下秦川采，采时不得预称名。

胡金毒第一百二十三

俗为瘴天树，书无名。有毒。出云南。治蛇毒。树不高三尺，叶尖，破味杀人。

歌曰：

阴阳不交生此树，味毒枝条不肯高。

第二亥河河内煮，即知阴癸不炎消。

寻河草第一百二十四

俗为江风，书无名。性冷，出黔南。生苗长数丈。治喜病。

歌曰：

巨海海长千万里，此药寻何二复然。

间取张骞必知处，采时切忌用盐煎。

精葦第一百二十五

书俗无名，色黄白，无苗茎，不应节，不治病。

歌曰：

春时生即多黄白，秋夏生时带黑青。

殿前但间东方朔，此人知处又知名。

石渠第一百二十六

俗为寒竹草，书无名。性冷。杀虫。出荆南。如竹苗长。

歌曰：

遍地敷天长翠根，功能定魄又安魂。

但是人家三月种，此户当知足子孙。

野成荷第一百二十七

俗为盘草，书无名。性冷。出淮南道。叶大如盘，有根子。

歌曰：

全身长养在溪傍，诏取张骞问本乡。

采得根苗一时铨，又能煮白恶丹阳。

含金枝第一百二十八

俗为紫檀，书无名。性温。出岭南。树有金影。治五般蛇毒。

歌曰：

排金金影影重重，此树人间不易逢。

臣到鳌山山北面，真人亲手赐玄钟。

地脉第一百二十九

俗为茨芋，书无名。性冷，出在五湖。叶长一尺，根同。治一切热病。

歌曰：

温凉日月浸长天，好药人间自满田。

八石之中安少许，永知金骨骨长存。

金影铜第一百三十

俗为黄杨木，书无名。性冷。出茂州。能治大风。

歌曰：

林林万木凡木盛，唯有此真圣眼穿。

若欲采时玉龙入，不得如常似等闲。

潭沉草第一百三十一

俗为支颐天，书无名。性冷。出锦州。叶细茎长，色青黄。治凜 。

歌曰：

沉沉细草绕闲溪，委叶抽条傍水坻。

无限真人吃仙去，二亲曾赠右军妻。

紫殿第一百三十二

俗为负霜花，书无名。出河北道。叶指面大，紫茎。治焦热。

歌曰：

玉阳宫女学藏钩，紫殿藏形形自收。

飞得九天天女局，仙经抄出至今留。

武阳种第一百三十三

俗为连天草，书无名。性温。出昆仑。苗长叶细。治骨瘫。

歌曰：

纤纤细草武阳种，生苗引稼避春风。

大药药中功最甚，见水不得莫从容。

尖玉第一百三十四

俗为人寿，书无名。性冷。叶大如手，似车前。治马癖。

歌曰：

绕湖水润入天山，苗高数尺叶尖圆。

白金一片如霜在，亦是灵芳岂得全。

不月芝第一百三十五

俗为无茵，书无名。性温。天下有。色紫赤，无茎。治恶疮。

歌曰：

阴阳繁气自然生，不受阴阳一月情。

能共水银相压伏，阳王当共失柔情。

海通第一百三十六

俗为颜芝，书无名。性温。出岭外。叶如通背白。治经脉不调。

歌曰：

先朝太后教人采，自后人问更不寻。

莫说金丹丹内用，人问若得过於金。

吴网草第一百三十七

俗书无名。性毒。出江淮。成树，叶如两指。治赞盘。

歌曰：

叶叶能生生似月，服之得本便神仙。

况共还丹同煮炼，金骨如何不得全。

吴梨芦第一百三十八

书俗同一名。性温。出江南。有蔓引枝。治金疮。

歌曰：

薜薜引蔓叶如藤，汞中最巧又多能。

打薄不成但更煮，还须软腻引如绳。

吴粟随第一百三十九

俗为间芝，书无名。性温，有毒。出云南。细叶有子。治冷病。

歌曰：

金章乱引碧英花，吴蜀生时各两家。

恰至采时须致意，采时不得日光斜。

绕崖还第一百四十

俗为略杓苗，书无名。出蜀。有引蔓，带子。治漏疮。

歌曰：

章敬天皇天女仙，因得兹灵得上天。

今朝既识三真草，必知朝见旧羲轩。

金花舟第一百四十一

俗为拜妇芝，书无名。性冷。出渭南。尖叶茎长。治诸风。

歌曰：

登登红叶绕青冥，万朵英花□地生。

采取之时问方朔，唯君不得犯神灵。

绕河公第一百四十二

俗为赤柳，书无名。性冷。出梓州。如树。亦治癖结块。

歌曰：

仙人自美种天台，每岁真人密遣开。

方朔去年家亦有，诏看何不进将来。

茵草第一百四十三

俗书无名。性毒。出蜀地。成树，叶大如两指。治疮癣。

歌曰：

长生远地生灵草，能共还丹一处行。

不与诸方兼色润，唯能善合水银情。

藜芦第一百四十四

俗书无名。性温。出蜀。有蔓引。皮治金疮。

歌曰：

名山深处有，日月照中生。

还为丹辅佐，朱生不敢争。

续随草第一百四十五

俗为问芝，书无名。性毒。细叶有子。治冷。

歌曰：

地满千河广，山含百草灵。

从兹九天到，山涯见玉京。

元卷更诸色药，无歌，共八十五味，如后。

天将将、大猪猪、乾女芝、乌飞、鸾花、秦女罗、虾菜、天女衣、浮真、孤儿、三泉菜、九尾虫、秦真人、雷葱、青青、玉女花、天生芝、镂玉草、孤羊、茵花、零零草、防石消、白马菜、石剑、天都、水紫苏、妇羞芝、人面菜、石母、孤蒿、陈公车、水巨胜、辅鱼脂、天筒、鬼幕、江猪耳、秦地班、苦瓢花、羊尾、狗耳、归末草、白杨芝、白鲜皮、鬼芋、单煎、武阳种、团锦衣、寒加草、芋茵、大段、二尺颊、万里长、御酒醒、苟艾、苟椒、白茂树、金影同、天堂女、神荆、细辛、紫苦味、陈后蕈、高羊尾、南风、红母、草常春、瘴天树、拜妇芝、石花、石芝、芙人春、芦灵草、奉真人、竹堂、紫檀、秦女芝、山紫苏、狗衔草、天台树草、山姑草、铜蹄蔓、皱面草、霖雨淫草、白花木、紫神芝。

右计八十五味。

白萝频第一百四十六

俗为云芝，书为紫扇。性善。出岭南。叶如油拨圆缺，苗紫青不定。生戊丁，萎甲壬。高数尺。治滑痢。应白露节，立秋五日采之。

歌曰：

不高数尺叶如油，常在高山上岭头。

此物虽生立春后，用之力足待经秋。

青天心第一百四十七

俗为白微，书为单蒿。性凉。生于阆国。叶如蒿，三瓣成枝，青黄花。生甲戌，死丁壬。治中伤。应立冬节，白露后采之上。

歌曰：

花如金色绕山开，叶成三片剪刀裁。

计会水银成活后，兼能善作大还媒。

凤凰窠第一百四十八

俗为山竹，书为负雪容。性冷。出南天竺国。叶如竹，枝如木，如葱尾，花紫。生甲丁，死戊己。治反花疮。应处暑节，立夏后采用。

歌曰：

叶如寒竹傍崖生，亦在人家亦在庭。

花带紫绯开不定，可怜光彩四时荣。

赤萝藤第一百四十九

俗呼赤苹草，书为地心。性冷，味苦。形如桐叶，色紫赤。出新罗国。治逆疮。生戊壬，死丁癸，应小寒节，立春后采之。

歌曰：

叶如绯榜绕栏生，亦在山头亦在庭。

欲谢但知投九水，水中自识紫芝灵。

白鸾相第一百五十

俗呼三叶草，书为紫余。性和诸药。生中天竺国。无枝，三叶。生戊庚。治劳疾。应芒种节，立秋后采之。

歌曰：

蔓开三叶叶纤纤，半在池傍半在岩。

欲识但经和日煮，月过成炼以为咸。

扫天鱼第一百五十一

俗为碧章芝，书为绢文草。性寒冷。出瑞州。叶如指面，不高数尺。生甲戌，死丙丁。治水病。应立冬节，冬至后采。

歌曰：

溪生文理绯绢字，周□年年叶转青。

摘日用时须忌讳，忌讳无过见水精。

奉真人第一百五十二

俗为水结，书为黄茨。性热。出岱州。叶绿有子。生甲丁，死癸己。治牙疼。应寒露节，小暑后采。

歌曰：

茎茎白色绕山崖，重重开叶傍花排。

绿水池边安少许，青丹从此绝尘埃。

天周芝第一百五十三

俗呼石柳，书为地芝。性热。出陇右。形如杨柳，不高数尺。

歌曰：

枝同杨柳色青青，秋景凋零春景荣。

不遇至人亲指引，纵能何处觅清名。

水桃第一百五十四

俗为绿红，书为英芝。性温。出江州庐山。生。戊丁，死庚己。形如桃，近水生。治瘫。应大寒节，春分后采之。

歌曰：

灵芝异草出灵山，立干生於曲涧泉。

好用英华散水气，采时须得受春暄。

幽微芳第一百五十五

俗为石髓，书为地微。性冷。生湖南。叶小花细。生戊丁，死甲乙。治胸隔气热。应立秋节，处暑后采之。

歌曰：

丛丛细叶小花排，亦在平坡亦在崖。

剪出西王南架草，审看茎脚小於钗。

绿重重第一百五十六

俗为重台草，书为茨影子。性温。出陇右。叶小大重迭。生丙丁，死庚己。治恶疮。应芒种节，立春后采。

歌曰：

叶中有果最多功，天上人间一样同。

采摘之时须净洁，易中将用应屯蒙。

山锦芝第一百五十七

俗为山云台，书为九孔菜。性冷。出咸阳。枝叶一如云台。生甲丁，死卯酉。治一切热风。应冬至节，惊蛰后采之。

歌曰：

枝条体本绕山岚，亦在崖中亦在潭。

若向花中频煮后，即知从此味能甘。

缕金寒第一百五十八

俗为紫石葍，书为江蕲。性温。有毒。出终南山。叶如蔚出，茎紫。生戊丁，死乙癸。治气肿。应立秋节，立冬后采之。

歌曰：

月光金阁引真人，第三池内最多神。

恰是立冬冬后采，采时须避鹤鸣群。

贝殊紫第一百五十九

俗为风石蔓，书为地油。性冷。出白马山。叶圆引蔓。生甲乙，死戊己。治急劳。应小寒节，春分后采之。

歌曰：

引蔓排枝叶叶圆，可怜生处傍崖泉。

八石不应无用日，用时须待绿芙研。

鹤春芝第一百六十

俗为乌脚鸡草，书为细芝草。性热。出荊州。叶小枝茎细。生戊壬，死甲乙。治滑痢。应夏至节，小暑后采之。

歌曰：

镂出西王裙带花，枝茎纤细出仙家。

采摘之时须净洁，仍忧金影向西斜。

石节第一百六十一

俗为寒种，书为拥春。性热。出蓝田县。叶大锐，枝紫有节。生癸己，死子午。治心痛。应白露节，立冬后采之。

歌曰：

叶如桑叶茎如节，爱向巔崖崖上生。

若向人间能辟鬼，又能天上慑神灵。

右已前应节候六甲玲热探之灵。

石椿第一百六十二

俗为景芝，书为黄风。出江南道。治心呕逆。

歌曰：

枝枝抽蔓傍崖岩，海脉滋通味带咸。

万出紫阳天上草，堪将人世煮红盐。

石胡蔓第一百六十三

俗为九田，书为天周。出贝州。治妳癰。

歌曰：

遥遥引蔓入天罗，后学仙君莫厌多。

采日采时防大雨，将行不用渡江波。

吟鹤枝第一百六十四

俗为石叶，书为问卢。出代州。一枝数叶，生石上。治一切风冷。

歌曰：

龙芝凤 出奇山，时居月磧傍崖巔。

空生柳坻明絮后，和汞一处用盐煎。

右已前性温热。生甲壬，死乙癸。应冬至节，立春后探之。

土竹第一百六十五

俗为金萃，书为更芝。性冷。出河北。样如竹茎，青。治喉闭。生戊丁，死甲乙。应大寒节，立冬后采之。

歌曰：

纤枝小叶色青青，天上人间有两名。

此物四时看不定，落花时节采多灵。

紫金英第一百六十六

俗为石心，书为鱼叶。性热，有毒。出罗州。叶圆背紫。治恶疮。生甲己，死戊壬。应春分节，立夏后采之。

歌曰：

音世人问草，叶圆贝点朱。

还同玄内煮，沉石自然浮。

日水苏第一百六十七

俗为太平，书无名。性温。出陈许州。叶如紫苏，茎紫。治一切。

歌曰：

叶裁金底皱金光，生在长年绿水傍。

别有真人来采用，紫阳宫内软衣裳。

石紫蔓第一百六十八

俗为努头草，书为示见。性热。出新罗。叶蔓茎有茨。治恶疮。

歌曰：

叶叶弯弯绕涧隅，可怜真草世人疏。

唯有太行南山客，将来个个煮仙鱼。

紫贝萝第一百六十九

俗为镜寒，书无名。性热。出罗州。茎紫，叶出花上。

歌曰：

婆娑紫叶长藤萝，山野生时亦不多。

采得却能除百疾，惜乎生没在岩阿。

千桑蔓第一百七十

俗为花桑，书为敬桑。性热。生陈许州。叶叶引蔓。治腰背疼。

歌曰：

传得仙人玉树方，当年陈许获亲尝。

采时斋戒忘言话，服饵除疼寿命长。

水菊第一百七十一

俗为金缘，书无名。出河南府。叶如乔，花如菊。治一切水气浮。

歌曰：

人间到处种难成，远地幽林却自生。

生处定须无别树，周回荆棣密层层。

獐蹄第一百七十二

俗为蕲芝，书无名。性冷。叶如獐蹄，茎紫。治滑漏。

歌曰：

俗号花桑叶似条，条长引蔓遗溪傍。

还共獐蹄同气味，一时和合入冰汤。

蓬莱山西甯还丹歌卷下竟